







HARANGUE

SUPERLATIVE DE MAISTRE
IOSE DE LA FUYE, CORDONNIER.

ET REFORMATEUR EVANGELIQUE
aux Ministres de France

Ensemble ce quia esté faict, conclud, & arresté en la
derniere assemblée de la Rochelle.



A PARIS,
Chez JOSEPH GVERREAU rue S. Jacques pres
S. Yves à la petite Horre.
M. DC. XXII.

à vostre conte asyle & rempart de nostre nouveauté,
qui mesme nous deuoit faire brauer sur tout le monde:
monde! qui publie nostre deffaite: deffaite! qui se
gueridonne en la bouche des petits enfans:

*En tout se voit ta grand' vertu parfaite
Iusqu'à la bouche aux enfans qu'on allaite,*

f.8.

Et rends par la confus & abat:

3.

Tout ennemy qui n'ye ta vertu.

Quand à moy, Messieurs nos Ministres, *abst.* que ie
pense à tels vices, ny que ie sois partisan de vos follies,
nitor super omnia semper virtutem amplecti.

Mais qui sont des scribes & enfartinez, qui mar-
monnent entre les dents, *ne sutor ultra crepidem.* Ma
foy sont de sçauâts Celestins, quatre mille de leur sor-
te ne sçauroit composer le dixiesme d'une galantise,
ces reproches-là seroient bonnes au Cordonnier du
sieur Cotton, qui n'est qu'une beste ignorant les pas-
sages de l'Ecriture Canonique:

Contre Eden peuple glorieux

f.60

Ie ietteray mes souliers vieux.

v.10 N'y les questions à combien de points se chauffoit
Moïse, ie confesse franchement que les forces de son
esprit, n'estoient capables de penetrer les secrets d'en
haut, *Vnde versus:*

*S'y le vouloir est reputable
Pour le fait, il seroit contable
De quelque courroux mal fondu,
Mais venant au fonds il aduouë
Qu'il auoit mis la forme en ioue
Ou qu'il auoit mal entendu.*

Par charité ie responds en son lieu aux questions du
sieur Cotton, que Moïse se chauffoit à deux points,

lors que ses mains estoient fermées & cela vous sus-
 fise. Pour moy, ie suis bien d'autre estoffe, il ny a hōme
 au monde qui me puisse reprocher, ny bien ny hōneu-
 Voyez le frontispice de ma commission qui porte vn
 beau, *Missusest*, Maistre Iosse de la Fuye. *Cum fustibus*
& armis, c'est à dire, avec son sac & ses quilles. Le veul-
 bien que mon stile soit releué, & que ma rethorique
 ne sente aucunement la poix, cela n'est pourtant qu'
 mon tous les iours & vn droit hereditaire, avec toute
 les putrefactions perfections, dis-ie, de mon art. Si on
 espeluche les degrés de mō aage, ie prouueray parmi
 le anciens, que rarement sientoisie sur mes talons en
 mon enfance, fort peu aux chausses & à mes sept an-
 nees, ie cognoissois tous les outils d'vn Cordonnier
 tant i'auois l'esprit adextre. Si bien que Monsieur d
 Baïse, auoit baillé de merueilleuses asseurâces de mo-
 genie à feu mō Pere (à qui Dieu dōne bōne vie & lon-
 gue) par ce qu'il me deffendoit de prier pour les morts
 Tant y acroissant, *scientia & etate*, ie suis deuenu v
 maistre aliborum & truchement du Sainct Esprit, d'a-
 uantage. Or ayant fait le circuit de ce grand vniuers
 puis m'estât trāsporté mille lieues, par dela ie trouua
 vn peuple incogneu, ou Pytagore, Socrate, Platō, Ar-
 stote & tous les plus grands Philosophes, qui iadis on
 esté, ne viuant que de Nectar & d'Ambrosie, sur les
 tables celestes de l'Eternité font leçons publiques
 disputes ordinaires & leuant le masque à l'ignorance
 humaine, font voir à descouuert les plus ocultes se-
 crets de la nature & dela diuinité. Comme ces Phi-
 losophes enseignoient par leurs leçons, resoluoyen
 par leurs disputes & demonstroient par l'interpreta-

6
tion de leurs figures Enigmatiques, quelque chose
de transcendent, moy caché dedans l'incorporeité de
quelque Démon inuisible, ie l'imprimois sur les car-
tes de ma memoire, ne voulât point qu'on dist de moy.
Il doctus cum libro, Tant y a ie suis deuenu vn Phoenix
en mon espece, qui se renouelle tous les siecles pour
irer la reformation des caues & celiers, & de la ie
sors de departement au Paradis terrestre: & vous dy
de plus maintenant que les sages Egyptiens, Brach-
manes Indiens; & le Trimegiste ne sont qu'asnes &
pauvres, en comparaison de moy, le Sphinx, vn Guil-
lot le songeur, Sainct Crespin mesme n'oseroit ma-
nier vn ferrement en ma presence sans permission,
inalement on m'a recogneu parfaict sans tare & ca-
vable des Ministeres de la Religion, i'aduouë neant-
moins que ie n'auois iamais esté employé pour vn s'y
nauuais affaire, cela fait suër tout nos Ministres & s'y
en'estois grâd personnage, adieu panniens vandan-
ges sont faites. Outre mon profond sçauoir, l'esprit
du Ciel me faict tousiours escorte, ou pour le moins
m'enuoye quelques estaffiers de sa volonté, & recom-
mandations de ce qu'il faut expedier, comme vous
allez entendre pourueu que chacun garde soigneuse-
ment les paroles de ceste Prophetie, vous y estes obli-
gez, ayant affinité & parentage avec le porteur. Ces
iours passez vne extresme lassitude auoit contrain-
tes esprits de chercher au dormir quelque soulage-
ment, *dormiui & soporatus sum*. l'entre-voy. *In somnis*,
vn rossignol d'Arcadie, que i'eusse facilement pris
pour vn Cherubin, excepté qu'il estoit gris, qui me
eueilla d'un coup de poing, de deuant, disant: *Surge*
traher agitur de religione. Morbleu, i'aperçeus bien des

heure à sa liurée & à son passe port, qu'il vendit de la part du Seigneur ou de la Souueraineté de Genesue. Apres quelques entretiés ou la fut remarquée la tempe de ma ceruelle, il allonge vne de mes aureilles quasi à l'esgal des siennes, (comme vous sçauiez qu'on n'y a pas esparigné l'estoffe) dans laquelle c'est autre Mercure, ietta les termes de ma commission. Maintenant troupeau esleu arrestez vous vn peu avecques moy, sur les loüanges du messager de l'Euangile, ou plustost du restaurateur de nostre Religion. O diuin animal chef-d'œuvre de nature, tu meriterois, ou ie me donne au diable de sieger aux chaires de nos Docteurs. Ceste creature est issuë de la tribut de celle de Balaam, tant celebree dans l'Escripture. Esope & Apulee en sçauent des nouvelles, & du iourd'huy elle est employee à porter celles de nos entreprises, aux freres en Christ, comme vn bel esprit familier. Le Iuis errant, Cordonnier de sa profession, luy a fait vses deux baists trois sangles & cinq crouppieres de Genesue, à porter ses alaines, l'asnesse de Hierusalem est sa tante du costé de la Rochelle. Auant l'adieu, il fut question de faire vn l'opin de bonne chere, ie luy baille à lauer & luy à moy, *asinorum more*. disoit ce grand Docteur, *mutuò se scabunt*. Or çà, Messieurs nos Ministres qu'elle difference pensez-vous, que ie trouue entre Messer asiano & vous? vne grâde, car il estoit vestu, comme vne beste & parloit en homme sensé, & vous autres estes vestus, comme des hommes & respondes, comme des asnes, & sous ce desguisement, vous vous faitez valoir :

*Prenans comme asnes Pbrigiens
D'un Lion l'audace & la Inba*

*Priens qu'ils ne deuiennent chiens:
Ils mordraient comme fist Herube.*

Dit Maistre Guillaume Pillier de nostre Eglise, tout fol qu'il est, en fin c'est vne beste, composee de toutes les marques de la perfection, qui ne parle qu'en es-
carlaté & cramoisy, pleust au Seigneur que vous eussiez aussi sagement respondu, *ad quæsita* & escrit plus Cathégoriquement vos barboüillis; ma rougeur ne seroit voir vostre honte, & ie ne seroist tant empesché à reparer vos deffaux, sang bleu, ie m'y porte d'une telle affection, que la raze du cu me sert de gouttiere; & crains fort vne fieure au fondement, ou delia quelque auantcouteurs marquent les logis, garde que chacun ne s'en sente, ay, ay donné secours & donne secours Seigneur il en est heure. Courage reprenons le texte, ie dis donc, pour autorité à la deuxiesme piece de ma Harangue, que i'ay droict & apannage de parler: vous autres Ministres preschez tous les iours, que nostre Eglise est comme vn cabaret, thacun y est pour son argent. Dauantage i'ay procuracion des Sautetiers, Tripiers, gardeurs de coingts de cheminees, escumeurs de poutees froides, belistres, maquereaux, morueux, roigneux, farcineux, tueurs de poulx, chasteux de vaches; escorcheurs de renards & autres gens de bien de ceste qualité, iusqu'aux lauandieres & curteurs de retraits: aussi ie prens en main leur defence, & censure, desauoué anathematise & excommunie vos responces libelles & escritures. S'y ie ne vous eusse secours, vous estiez dedans sans Chaussepied, qui mis sur la touche fut trouué de bas à loy. Sans cholere, Messieurs, si ie parle ouuertement à vos Seigneuries, aussi bien les Papistes ont marqué les chaus-
ses,

ses, & l'Euangile vous deffend de passer au prés de la verité aux peines fulminees, par le consistoire de Gap session du iour de saint Mathurin deuotiuelement ieuné. Voulez vous sçauoir ce qu'on dit de vous autres, foy de demy-Propheete, ie le vous diray. Vne de ces railliez; ie m'estois équipé d vn morceau de jambon portant en devise, *non in solo pane uiuit homo*. l'espionne, afin d'accompagner les deux le plus sauoureux breuage de nos quartiers, que i'aborde deslibéré d'en desgainer cinq ou six estafilades, l'eau à la bouche pour la réputation du piot, l'entre esperant de S. Crespiniser quelque tronçon de temps, & resiouyr mon humanité: Mais hélas! le contraire arriva, car vn de nos freres le doigt à la bouche avec demye-douzaine de st.st.recommanda le silence; lors nous entendismes le ramage des Papistes, *ex omnibus & natione*, c'est à dire, de toutes vacations qui galloppoient furieusement la fripperie Ministrale, & en derision de nostre Psalmodie, chantoient en mots cabaretique:

Ne sois semblable à cheval ny à mule

Qui n'ont en eux intelligence nulle.

Et mille autres petits colibets capables de faire enrager le diable, curieux d'ouyr le reste ie voulu faire les aproches, & me trouuay aux tranches. Encore que i'aye la meilleure memoire qui fust iamais memoriee, si ne sçauois ie vous en rapporter la dixme. Les Sorbonnistes disoient les Ministres, se cognoissent en Theologie, comme vne truye en espee: les Iurif-consultes, ils cittent le droit à tort: les aduocats, leur cause ne vaut rien: les Procureurs, ils ne produisent que balivernes: les Greffiers, ils falsifient les pieces: les Cleres, ils payent de fausse monnoye: les Medecins, ils or-

ceruelle estroppee & l'imagination Hypochondriaque: les Chyrurgiens on les a saignez à ce coup: les Barbiers, ils y ont laissé le poil: les Apoticaire, leur drogue est esuentee, les Astrologues, leur almanach n'est pas iuste: les musiciens, l'harmonie est mireballeise; les Geometriens leurs poinçts sont faux & leurs lignes abouttissent en enfer: les Arithmeticiens, il y a erreur au calcul: les Grammairiens, ils solecisent avec leurs chambrières disant *Esto femineum recipit*: les Rethoriciens, ils inuentent trop: les Dialecticiens, leurs dilemmes ont trois cornes au lieu de deux: les Notaires, ils contrefont les testaments: les Marchands, ils debittent l'Euangile à faux poids & à fausse mesure: les Cousturies, ils font bannieres de vieilles heresies: les Cordonniers, ils ne mettent rien en forme: les Fourbisseurs leur lame est trop courte: les Marechaux, ils sont defferrez: les Maçons, ils ne prennent pas bien les fondemens: les Charpentiers, ce n'est qu'auber: les Couvreur, la malice perce leur couverture: les Menuisiers, ils travaillent sans regle & compas: les Escrivains, ils donnent mauuaises exemples: les Meufniers, ils nourrissent les ames de bran: les Chandeliers & Lanterniers, ils esclairent le peuple au contraire: les Sergeans, ministres rendez-nous nos vaches & en retenez les cornes: les Tauerniers, ils preschent mauuaises vandanges: les laboureurs, ils ne sement que zizanie, & yuraye: les trippiers, ils coupent des deux costez: les Fauconniers, iamaïs ne feront que buses: tous les mestiers iurez, iamaïs ne feront beau chef d'œuvre, *vox populi vox Dei*, (me dist lors vn vieil surueillant me tendant son goblet,) mesmemēt nos femmes (messieurs nos Ministres) me vinrent

trouuer au nombre des pechez mortels, apres la publication de certain escript de merde, dans lequel elles auoient leu que vous estiez *Estoies fixes qui ne vous remuez que par le mouuement du premier mobile*, expliquât ce passage de la friandise d'entre les iambes. Le l'ay bien cogneu depuis quelque temps, dit la premiere, au manque de mon ordinaire. Mon mary, dit la seconde, me tourne le cul si tost qu'il est couché. Le mien, dit la troisieme, dort perpetuellement. La quatriesme se pleignoit de ceux qui auoient noué l'aiguillette au sien. La cinquiesme, il faut commencer l'escarmouche. La sixiesme chantoit, i'ay tiré tiré, mais c'est tousiours blanche. Et la derniere crioit a pleine gueule, qu'elle aymoit mieux traualier pour tous deux que d'estre reformee principalement au liét, & si on la y vouloit obliger son valet, disoit-elle, estoit de bonne voloné non compris dans la cathégorie *De frigidis & maleficiatis*. Tant y a que voulant produire certaines excuses en vostre faueur messieurs nos Ministres, & pour vous excuser enuers vos femmes, aussi tost ie me senty bridé de vingt ou trente mercy. Dieu, disant que ie ne valois non plus que vous & que i'estois complice de vos reformatations, & me semble que ie receus quelque benefice sur les escoutoires qui me fist agoniser demy quart d'heure: Mais certaines Chrestiennes eurent recours à la liqueur cy dessus mentionné *remedio sancto* qui me remit sain & alaigre. Donc à mon resueil ie voulus entonner le pseaulme (sous correction ie fis vn rot) *Du fonds de ma pensee, &c.* C'est assez sur ce poinct. Qui eust iamais pensé en bonne foy que vos sottises eussent causé vn si triste accident à nostre pauvre Eglise, & que deux chetifs Carrabins du

Breuiare, l'ayant reduite presqu'en tutelle, & vous autres *admetam non loqui*. Messieurs, messieurs, il estoit licite à vos meres de faire les bestes, mais il ne vous est permis de les entretenir au despens du peuple fraterneel, quand à moy ie suis exempt de taille. Si nos aduerfaires auoiēt l'esprit à gauche ie serois d'opinion qu'on vous pardonast: car il faut aucunement excuser le vin (aussi est-il bon & sauoureux) & nes'arrester pas tousiours a la rigueur de la lettre, bon en d'autres sujets, & lorsqu'il n'est question de l'interest & de la cause du Tout-puissant. I'ay appris de quelques vns que les vapeurs Dionisiennes vous auoient troublé les entendoires. Où diable auiez vous les yeux de la pensee. *Toy & tes fils ne boirez point de vin ny de tout ce qui peut enyurer quād vous entrerez au tabernacle du seigneur* v. dit Dieu. Voyons qu'en dit Dauid, ie n'entens pas des trippes sans argent, voicy ces termes

al. *Ton peuple as traitté rudement,*
 320 *Et d'un vin d'estourdissement*
 m. *Tu l'as repen & abreuné.*

* Sur mon honneur c'est de vous autres de qui cela s'entend: car ie cognoisle tric-trac de Paradis comme nos articles de foy, & les intentions du drolle qui rapporte l'histoire, escoutez-le ie vous en prie comme il prophetise ailleurs & bride vos insolences.

Ne soyeZ plus insenseZ,
Diray-ie à ces estourdis,
Et vous meschans tant hardis
 v. *Vostre corne ne dresseZ*
 6. *Ne dresseZ la corne en haut,*

Parlant plus haut qu'il ne faut.

Allez vous y iouër, il cogneut prophetiquement dès ce temps là que vous en deuiez auoir : Hé, quoy ? demanderiez vous, vn estronc de chien en vòs malchoires, respondray-ie, faut-il vous enquerir des secrets de Dieu ? que vous en deuiez auoir, que vous en deuiez auoir, ouy, que vous en deuiez auoir. Quelle glose voulez vous apporter sur ce passage que vous deuiez auoir des cornes ? C'est en quoy ie vous estime honnestes gens, iustes & habilles quand tout le monde le scauroit : car il est escrit *les cornes du Iude seront exaltees*. Allez, vous ne vallez rien, *hais sur toy & sur ta beste*, Vous estes des reprouuez & meschans en diablez *Cornelius Tacitus*, elles seront donc desmanchees de vos testes. *Et froisseray toutes les cornes des pecheurs*, dit le Prophete, c'est à dire qu'elles seront inuisibles dorefnauant, & vos femmes ne le feront plus qu'en cachettes & tapinois, vous scauez combien grande est la foy d'icelles. Il n'y en a pas vne qui n'ay mast mieux coucher avec cent Catholiques que d'auoir entendu vne seule Messe, pourueu qu'on ne le appelle point au consistoire. Mon sens est vn escu pour chaque repas comme on a accoustumé de vous bailler à toutes nos assemblees, c'est sur mon Dieu tro la vapeur vous hebete l'esprit : car vous oubliez vostre deuoir & en faictes vne deité. Considérez ie vous en prie aieun ce qu'un de vous autres a escrit a vn sie. Camarade qui, comme ie croy, *furor Dionisio esto* aussi beau fils queluy.

*N'estime plus cher amis que les Muses
Boyuent de l'eau au mont Beorien,*

Et qu'en leur roc vn flot Castalien
 Fait reiaillir quelques ondes monteuses
 Phœbus guidant les sœurs harmonieuses,
 En carollant au cœur Aonien
 On oraclant vn augur Delphien,
 S'orne tousiours de coronnes pampreuses.

On dit que le bon homme voulant acheuer le sonnet se trouua interrompu par quelque mal de ventre, *quod honoris gratia dixi*, s'en courut ad *requisita natura*, mesme qu'à l'heure qu'on auoit besoin de sa prestance, il estoit *sono vinoque sepultus*, les petits euse *quem terra pontus*, & moruouseaux de college s'en lonnent carriere & en font des richmes pour le Chasme prochain.

En calculant quelque vieux conte
 Ils sont à boire diligens,
 Sy le feu de Bacchus y monte
 On ne vit iamais telles gens,

Estiez vous point de la parentelle des saucisses, ie is Suisses, qui ne font rien sans le vin de marché? Ie vous donneroie vn aduis salutaire si vous en vouliez eruir, & que desirassiez Ministrer encore quelques nnees, recommandez la sobriété d'oresnauant autrement ie ne donneroie pas de vous autres *il piu triste pelo abiacu'o*, & vous la fera on pratiquer comme ie pense les Moynes sont mattois, ils vous rendront si odieux qu'on vous chassera comme Vaudois, Sorciers & empoisonneurs des consciences, ie les ay desia entendus rescher les assemblees Catholiques de retrencher os pensions, & vous reduire au pain & à l'eau c'est

disent ils le vray moyen de chasser les Ministres, *Tale
genus demoniorum non eiicitur nisi fame & ieiunio*, Ils se
seruent de cest expedient au preiudice des Eglises re-
formees, la source de vostre mal procede sur ma con-
science de l'indignation du Seigneur, pour ne m'auoir
pas inuité au festin; vous luy vouliez faire barbe de
feurre, mettant l'Escripture à guise de moulé, c'est à
dire par tronçons: l'aduouie que vous trouuastes en
icelle *Epulaberis*, Mais i'en deuois estre, car le reste
porte *Caue ne derelinquas leuitam*, Id est, cest à dire &
s'entend maistre Iosse ma propre personne, moy qui
parle selon le sens mystique & allegorique. I'auois
preueu nos miseres aux lamentations de ma boutique,
entrant dedans ô malheur ie trouuay tout desordon-
né, le Coutteau à pied & le tranchet auoient le fil tour-
né, la laine estoit espoirtee, les cloux rebouchez, les
pincettes emoncees, le tire pied racourcy, le poignet
branneux, le liguou cassé, la poix pourrie, le Chauf-
sepied de peau d'asne, le buis rabotteux, la mesure des-
bauchee, l'emporte piece iouillé, l'embouchoir en
coupeaux l'empaigne verreuse, la Careleure bru-
slee, le riuet craignoit mesme risque, en vn mot tout
mon attirail cu par sur teste, excepté la forme, laquel-
le auoit retenu son lustre plus signalé qu'auparauant:
C'est la Maiesié d'icelle qui rabillera nos ruynes, c'est
la piece du harnois la plus necessaire en dispute, *forma
dat esse rei*, c'est elle qui donne l'estre à chasque chose
composee, aussi i'en porte ordinairement vne en ma
pochette de peur de faillir, & qu'on me reproche
comme à vous autres que ie ne mets rien en forme, la
forme m'est la masse d'Hercule, la forme est mon ra-
meau doré. A propos de bottes si ie me pouuois ser-

uir de ma forme comme firent Hercules & Aeneas
 pour aller en enfer chercher Caluin, Luther, Viret &
 Bèze & les autres Ministres a venir m'ayder. Cela est
 aisé, ie le puis *facilis descensus auerni*. Je n'en suis pour-
 tant pas d'aduis, car ie craindrois d'y demeurer avec
 eux & qu'on me rercinst là pour fournir les demons
 d'escarpins, & puis on dit prouverbialement, *sed reuoca-
 re gradum hoc opus hic labor est*, C'est à dire, qu'on n'en
 sort pas quand on voudroit; Je me contenteray de les
 interpellier d'icy, aussi bien le voyage est long. J'ay
 neantmoins enuie de les faire adiouner à trois briebs
 iours, mais où trouueray-je vn Sergent qui voudra
 bailler l'exploict parlant à leurs personnes & domici-
 les? Pas vn: car quand vn Huissier, Sergent, Recort,
 Commissaire, Archer ou Ministre singe vers les
 bords de ce pays-là, jamais n'en reuenient. Huchons
 nous mesmes pour voir s'ils nous entendront encores
 moins, ceux mesmes de Paradis n'oyent pas quand on
 parle a eux. Paix, paix, paix, Ceste clause est d'usur-
 ment & de la nouuelle doctrine, chacun sçait pour-
 tant que ce point est faux, & que c'est vn *qui pro quo* in-
 uenté par les herétiques ou il faut viure & mourir
 d'eust-on estre damné. Ca, catentons fortune, sortez
 sortez, sortez grands reformateurs d'où vous estes,
 venez vous ioindre avecques moy *virtus unita fortior*,
 Nous respondrons solidaiement, venez dis-je souste-
 nir votre querelle, vous verrez comme ceux qui ont
 succedé à l'inuention de la marmitte en laissent percer
 les fonds, le bouillon n'y est plus, vostre Religion est
 à sec. En vn seul point nos Ministres s'accordent à vos
 intentions, si la cuisine estoit Soleil ils seroient Helli-
 otropium sans la vouloir perdre de veüe. Venez donc

Messieurs, si vous apprehendez le signe de la Croix, ie marcheray devant, quoy? vous ne respondes point de peur de payer; & nos Ministres rien qui vaille, il y va du vostre parlez; mot, demeurez donc à tous les diables puisque vous y estes, aussi bien ie voy que i'auray toute la fatigue, le Seigneur soit loüé pourtant. D'esperer quelque secours de vous autres Ministres encore moins, c'est vous qui auez gasté le potage, & continuez tous les iours. Tesmoing de la belle excuse qu'un de vous autres enuoya à un Capucin pour faire son accord se seruant de Dauid & de Baïse ainsi.

*Mais i'auois perdu mes esprits
Mesmement ie n'estois point moy,
Mais un Vray Veau comme ie croy
Quant à toy ainsi ie me pris.*

PC

73.

22.

C'est faire tort à nostre Noblesse, profaner les parolles du Psautier, & qui pis est donner matiere au Capucin de se rire de nous & de la version. N'est-ce pas, dit ceste teste en chausse d'hypocras, vne plaisante Meramorphose d'auoir fait d'une iument un Veau: Au Diable soit le sot de Ministre & son excuse, iamais son esprit ne le rendra Chancelier si ie ne me trompe: bien que cela fust Sibilot qu'il est, le failloit-il aduoüer? au Diable zop, plüstoit se laisser escorcher comme un saint Barthelemy, peut estre que le Seigneur auroit fait quelque miracle de sa peau, encore que ie n'aye iamais leu aucune merueille sur ceste sorte d'animaux, on en escorche souvent en ceste ville sans extraordinaire, ie l'aduoüe, mais il en a fait sur des Asnes cela le deuoit faire esperer. Un autre de mesme calibre, respondant à un surueillant qui lui reprochoit d'auoir fort pietremēt

argumenté contre les Moynes disoit, nous imitons
 Pierre & Iean qui estoient *busards, Idiotz & sans let-*
tres, transeat, pour ce regard d'imitation *sed nego as-*
sumptionem, que vous les suiuez en doctrine, Car les
 c.4 bonnes gens deuiurent fins ioueurs de passepasse, &
 23. sçauoient plus que leur pain manger, mais vous au-
 tres ne serez iamais qu'ignorant à grand ressort *in sca-*
lore & putredine consenscent dit le prouerbe de vous
 autres, c'est dire en ceste peau mourront Renards,
 halte vn peu de trefue que ie prenne haleine afin de
 faire prouision d'argumens vallables à prouuer no-
 stre dessein, & trouuer quelque remede à nos maux.
 Cependantie vous supplie de chanter deuotieuse-
 ment le soixante & huietième Pseume.

*Que Dieu se montre seulement
 Et on verra soudainement
 Abandonner la place
 Le Camp des ennemis espars
 Et ses haineux de tout epar
 Fuir deuant sa face.
 Dieu les fera tous enfair
 Ainsi qu'on voit s'esuanouyr
 Vn amas de fumee
 Comme la cire aupres du feu,
 Ainsi des Meschans deuant Dieu.
 La force est consommee.*

PAUSE.

N*unc nunciis relictis*, cela vent dire railleries à part, Il est temps de vous traicter serieusement d'autant que *Patro majora capamus*. Or ie ne m'arrestérai pas à vous desduire les motifz du desastre, en passant seullemét ie lascherai quelques estocades *Per enigma* & couuertement de crainte que les Papaux n'en fassent leurs choux gras, Cōsiderez avec moy trouppéan esleu, mixte & seigneurial, que si Dieu est clemēt aussi est-il iuste. Pas vnde vo^s ne peut ignorer qu'il n'ait pris vn soing particulier de sō peuple au plus fort de nos maux, prenōs garde que la iustice irritée par nostre mespris, viēne à ietter de nouuaux & plus aigres supplices sur nos esperances & gresser le reste de nostre mourâte Eglise, de cestel languissante religiō toute debiffée par les estocades des Cordeliers, Iacobins, Carmes, Augustins, Minimes, maximes recollez reioins Ieluites Capucins, & autres de semblable farine, iusqu'aux freres ignorans vous montrent la leçon; meismement ces fils de putains de Contreporateurs, Crieurs d'Almanaches & frippons en vendent la description au naif. ou est peinte vne autre Madame du Moulin plus ridée qu'un vieil Singe qui fait la mouë, montre le cu & n'en peut plus, quelqu'emplastrement que vous y ayez peu apporter. Cela n'est rien, *freres en Christ*, ne vous estōnez point, ie frāchiray toutes ces difficultez. Car Helye & les autres records dela Transfiguration de Christ m'ont enseigné vn remede fauorable pour monstrier nostre Religion plus belle qu' auparauant, ie sçay bien qu'il y aura force peine, il y faudra du

beaucoup de fard, *non datur omnibus adire Corinthum*,
 hommes du monde ne peut cela que maistre Iosse,
 & comme ceste affaire est d'importance, aussi a-il
 fallu vn tiercelet de la diuinité pour vous releuer de
 peine, les grandes & genereuses actions veulent e-
 stre secouruës d'habilles entendemens, *magna nego-*
lia magnis egent adiutoribus. Courage la fin loit l'œu-
 re bien que difficile, *La coda è peggiore à scorigar*
 C'est, c'est en ce lieu où nous denons operer. C'est
 maintenant que ie banderay tous les nerfs de mon
 iugement. C'est à ce coup qu'il faut remuer toute
 pierre. C'est en dernier traict ouie suis obligé de
 rendre les plus esclatans tesmoignages de ma suf-
 fisance. Iay la Ceruelle si pleine de raisons argumen-
 tatiues que ie mettray ceste Capucinaille au bout de
 son Latin du beau premier coup, pourqui me pre-
 nez vous? & où peniez vous que iaye puise tant & de
 si belle Doctrine? d'où? del'entendement de ma me-
 moire, des champs Elisees, de la Bible, des reue-
 lations, & le tout Cabalistiquement. Ne voyez
 vous pas à mon ramage d'Acteon (si le vostre ne
 vous en empesche) que ie viens comme vn autre
 Moysse conduire & faire passer les troupes de
 l'Eternel au trauers des escueils Papistes à vne ter-
 re fertile & à la plus grande vinée qui ait esté
 veu depuis la Natiuité des Huguenots, Bref re-
 donner la vie à la Religion prou tendue, la quelle ha-
 zarderoit de rompre si ie ne la fortifiois de quelque
 tranche fille celeste. On nous pourroit mettre en
 autant de pieces que soixante Vaches ont de poils,
 tousiours quelqu vn reshoindra nos opinions com-
 me nous auons fait celles de nos predecesseurs plu-
 tost il en naistroit de nos cendres de toutes fraisches.

21
asseurez vous en sur ma parole que ie vous baille &
celle d^e nostre Bouleuart pour garant & assurance
de la mienne: car vous estes deffiant à l'esprouue du
mousquet, silence. Car il faut qu'il y ait mesme des
Heresies afin que ceux qui sont approuuez soient manifestez
entre vous, passage favorable sans luy ie parirois no-
stre perte: mais nous en parlerons tantost plus am-
plement, voyons la *thes*. Il est question seulement
de faire voir nos articles de Foy dans la Bible, ie dis
ceux qui ne conuiennent avec l'Eglise Romaine.
Voila de belles resueriees, ie Scedule, hypothec-
que, & oblige mon honneur, & moy aux despens
donnages & interests, d'y monstrier ceux de nos
pretentions à plusieurs fois de la paix, des cessions
d'armes, & de la trefue, les liures des quatre Filz
Aymon, la vie de Robert le Diable, Jean de Paris,
Pierre de Pronence, Huon de Bordeaux, Valentin
& Orson, Maugis d'Aigremont la belle Magdelon-
ne Merlusine, Amadis de Gaulles, toutes nos allees
& venuës, machines, escritures, malices, & inuen-
tions pour barbouiller la Papauté: La Bible n'est
elle pas comme vne Boutiques? tantost on y prend
& tantost on met? Sus, sus à ces articles entamons
mons matiere; Sy on considere la reuelation du mi-
gnon de Christ, vous trouuerez le nōbre des Sacre-
mens, *Pertinere ad Antichristum*, D'ailleurs *In sacris*
nulla fit mentio, Ne voyez vous pas que le sang &
l'eau sortirent du costé de Christ, que les Peres in-
terpretent des Sacremens, & iacoit qu'iceux trai-
tent de propos deliberé des Sacremens comme
Denis de *Ecclesiast*. Hyer. Ambroise au liure des Sa-
cremens, Cirile de *cathechesibus*. Augustin au liure
troisieme de *doctr. Christiana*, & contre faulse ils n'er

conte que deux non plus que nous & nous voila d'accord. S'il faut prouuer que les enfans sont sanctifiez au ventre de la mere, *hoc modo*, le Seigneur fist ceste conuention & pactiō avec Abraham qu'il seroit Seigneur d'iceluy & de sa semence. *sic argumentor, Christiani succedunt filiis Abrahæ ergo & benedictionibus filiorum Abrahæ*, ceux qui n'ont la berluë considerent ie les en prie ce passage, les enfans sont maintenant saints, les bonnes femmes sçauent cela. Et de la Messe sont brides à veaux, il faut croire & suffist, la chair ne profite de rien, c'est l'esprit, qui viuifie. Le banqueroutier en lasche de bonnes veniës, vous aurez toujours les pauures avecques vous, mais vous ne m'aurez pas toujours. La gibeciere de mon Esprit est farcie de pareilles autoritez, escoutons Augustin *ut quid paras dentes crede & manducasti*. Et en vn autre lieu clair comme le iour, ce qu'on nomme Eucharistie, il l'appelle signe simplemēt. *Non enim Dominus dubitauit dicere hoc est Corpus meum cum signum daret corporis sui*. Où est ce liberal arbitre? Pour quoy Seigneur nous as tu fait errer de tes voyes & as endurcy nostre cœur que nous ne te craignons. Cete s'moing est irreprochable & enroullé avec les Canoniques. De l'inuocation des S S. & veneration d'Images, à d'atres, c'est à faire lieures, *unus est mediator Dei & hominum Christus Iesus*, pour le premier: pour le second mille & mille

Tailler tu ne feras image

De quelque chose que ce soit

Sy honneur luy fais & hommage

Ton Dieu ialousie en reçoit.

Ezechias rompit le serpent d'Airain que Moysé uoit fait. Si vous n'estes content lisez l'Euangeli-

ste qui vous esclaircira, j'entends l'amy du cœur qui
 bailloit le mot du guet il dit ce qui s'ensuit. Mais Io
 l'heure vient & est maintenant que les vrais Adorateurs 4-
 adoreront le Pere en esprit & verité. Ou sont ces ope- 4-
 rateurs, la Foy ne iustifie elle pas? belle demande à vn 23
 vieil Soudart, si vous estiez incredulés vos ames
 seroient semblables à des serpes. Voicy celuy qui est b
 incrdul, son ame ne sera point droicte en soy mesme, mais 2
 le iuste viura en sa Foy, & nostre compere Paul. Car 4
 la iustice de Dieu est reuelée en iceluy de Foy en Foy, com- R
 me il est escrit, le iuste viura de Foy. Cela ce doit en-
 tendre, avec pain vin, & quelques pistolles pour la
 pitance, vn autre Historien parle en ceste maniere
 Croyez vous que ie le peux faire? il vous soit fait selon vostre
 Foy. les Festes & ieusnes, ne valent guere mieux, cest
 resusciter le iudaïsme. que nul ne condamne en manger
 ou boire ou en distinction d'un tour de Feste, ou de nouuelle
 Lune ou de Sabaths. Ioinct que omnia munda munda
 l'Antechrist & ses suppostz ont inuenté le Purga-
 toire, aussi frere ie ne veux point que vous soyez ignorans
 touchant ce x qui dorment afin que ne soyez contristés com-
 me les autres. Or il suffit pour ce coup, en voila plus
 qu'il n'en falloit, ceste matiere est maintenant con-
 gneüe, lippis & conscribus, faictez en vostre profit,
 faictes en vostre profit Ministres, & aprenez cha-
 que texte par cœur, comme vn beau, Leue le cœur ou-
 urel' auresile, afin de vous en seruir aux occurences
 ainsi que d'un baston à deux bouts, contre les sim-
 ples femmes, & grimaudet, qui ne sçauent que cest,
 & sur tout ne disputez iamais avec ces moynes Hup-
 pez fins & cauteleux, crainte d'une desolation totale,
 cela n'appartiens qu'à maistre Iosse. Maintenant les
 Romains n'ont plus mot à dire, Si vous procurez

que les fidelles me baillent pareil appointement qu'à vous on verra bien d'autres histoires, Prestre ny Moyn n'oseroient paroistre deuant moy.

Claudite riuos pueri sat prata bibere.

Tirez les rideaux, la farce est iouée. Toutes fois encore un petit mor, de la despendent la Loy & les Prophetes & de vos resollutions, vostre malheur où felicité. Nostre chery du Ciel, Image de la diuinité, desire plustost l'obeissance que le sacrifice. Confiderez ie vous prie avec toutes les consideroires, quelles playes & incommoditez ont causé nos assemblees le Psalmiste s'en ploignoit ainsi.

Pourquoy font bruit & s'assemblent les gens

Quelle folie à murmurer les meins

Pourquoy sont tant à nuire diligens:

A mettre sus vne entreprise vaine.

Et si vous auez quelque défiance de ce Rimailleur, parce qu'il estoit Roy, & peut estre auoit-il pareil interest contre quelques seditieux de son Gouvernement espluchez avec vos meilleures besicles le 14. des nombres v. 27. En ces termes. *Iusques à quand ceste tres-meschante assemblee murmurera à l'encontre de moy?* Si vous auiez entendu la Moinerie comme iay fait, Perceus il n'y auoit si belistre de Nouice qui ne chantast lors de nos assemblees Synodales, *Conuenerunt in unum aduersus Dominum & aduersus Christum eius.* Tous les Clouastres sont farcis de semblables discours, & sçauent ou ie me donne, non non, tant y a qu'ils sçauent les deliberations de nos assemblees comme nous auons resolu de secouer le ioug de superstition sans vouloir estre commandés de personne qui soit, tenant pour devise ce que refuse le murtrier de Goliath, *Dirumpamus vincula eorum & prouiciamus*

nobis iugum ipsorum, Mais bouche close, *sileant miracula m mphis.* Depuis les reuoltes nous auons perdu plus de la moytié des meilleurs raudis que eussions, & de nos plus cheres bribes, le Diable s'en pendre qu'on ne se contenoit en l'obeyssance, de n'agueres encore le beau conducteur d'armee, quelle perte a il cauté avec sa retraicte? Chaque iour les Catholiques empiètent sur nous: & ce qu'il y a de pis, saint Paul les assiste de son glaue, les Badaux de Paris ne s'entretiennent plus que des supplices qu'on vous fera souffrir! Les Turcs vous empallent, les Italiens deffendent la piece de derriere & vous baillent le fouët avec vne barre de fer, les Sauvages vous mangent, les Espagnolz vous mettent en cartiers, les Flamants vous auallent comme Biere où Petum, les Allemans & François vous baillent le Moyné par le Col, nos confederez nient leur assistance, chacun nous abandonne. En fin on n'entend à Paris que elabauder à toute heure soir & matin de belles fleurs quartaines qui vous ferrent les dents, les Prestres vous excommunient, les Nobles vous coupent les oreilles, bras & iambes, puis vous envoient aux Galeres, letiers Estat vous maudit, & tout le Peuple vous donne au diable, les vieilles qu'on ne viuent que du loüage de leurs chambres vous condamnent aux enfers à porter les Diables chier au trauers des riuieres de ce pays là de peur d'infecter leurs compagnons, & sur vos espaules la plus douce recommandation qu'il vous souhaitent, c'est entre les mains de Maistre Iean Guillaume, Bref tout le concert aboutist en ce Motet, *Traîtres de la Rochelle, rendez la Ville au Roy, & à dire vray ne vous opprimastrez donc plus sans rai-*

son ; la meiche est descouuerte , & toutes
 vos Charlatanneries congneües, contentez vous
 de ce que le Roy vouldra, c'est le plus seur sans en
 ambitionner d'auantage, *Pertrop fara Languille a l'escap-*
pe. Tutius est paratueri quam noua querere Oufuirez
 vous, où vous sauueriez vous, il ny a si petit coing
 du Royaume qui ne soit fouillé pour vous trouuer,
 les mains d'un Prince Souuerain sont longues, il est
 par tout, dites avec Dauid, *quo ibo à spiritui tuo aut à*
Psal faciet uia fugiam. Si ie monte au Ciel tu yes, Si ie descends
139. en Enfer tu yes present. Aussi est il resolu à nous fai-
 re desguerpir, car il chante tous les matins un passa-
 ge d'un viel Prophete qu'il a appris comme son *Deus*
 des escoutez - le, *Quand ils descendroient iusques en*
Enfer, si les tirera main hors de là: & quant ils monte-
A-roient iusques au Ciel si les tireray ie hors de là. Il n'y a
 qu'un seul moyen de vous garantir de sa cholere,
 l'Apostre m'en a escrit un mot pour vous en donner
 aduis sous le nom de Tite. *Et monstre les* (dit-il) *qu'ils*
soyent subiects aux Princes & puissances, qu'ils obeissent
aux Gouverneurs, Seruez vous de mon conseil, il vous
 sera utile & profitable, si vous ne le faictes à vostre
 dan, tant pis pour vous, le malheur vous accablera
 & ie m'en riray, *Qui despexitis omne consiliam meum*
ego quoque in uisceribus uestris ridebo & subsannabo cū uobis,
et quod cecideritis adueniet. Dites moy maintenant &
 changeons de batterie, si vous auiez iamais entendu
 une ceruelle plus prophetique & mieux ceinte que
 la mienne, encore que certain Sauetier s'en
 vaille m'aler, ce n'est qu'un sot & un broüil-
 lon qui se fera pendre s'il n'est desia, pour mon re-
 gard ie n'ay parangon que de moy-mesme, car ie
 scay tirer la mouelle & qu'interfence des bons Au-

peurs. J'ay trouué treize Sacremens aux Metamorphoses d'Ouide. D'auantage j'ay composé vne deuxisme Apocalipse, & feray mer re en lumiere au premier iour les raisons des causes occultes, le moyen de trouuer vn vuide en la nature pour y renfermer toutes les formes essentielles abstraites de la matiere premier, la quadrature du Cercle, le mouuement perpetuel & plusieurs autres mesueilles incongneues, & de ce pas ie m'en retourne à l'Hostel du logis de la maison du Mary de nostre femme, si le Seigneur n'auoit besoin de mon seruice ailleurs. Car ie m'assure que plus de trente cinq personnages de qualité m'attendent pour auoir de la chauffeure.

Plaudite manibus dixi.

FIN.

PERMISSION.

IL est permis à Ioseph Guerreau Imprimeur Paris, d'imprimer ou faire imprimer la Harangue de Maître Iosse de la Faye Cordonnier. Et Reformateur Euangelique, aux Ministres de France, &c. Et deffences sont faites à tous Imprimeurs, Libraires, & Contreporteurs, de faire ny contrefaire ledit Liure sur peine de confiscation, & de tous despens dommages, & interets.

















